

爾雅郭注佚存補訂

爾雅郭注佚存補訂卷十三

新城王樹枏

須蕘蕘

蕘蕘似羊躡葉細味酢可食

菲蔥菜

菲草生下溼地似蕘蕘華紫赤色可食

蕘赤莧

今人莧赤莖者

仿宋本雪窓本作今之莧赤莖者元本閩本作赤
莧一名蕘今莧菜之赤莖者也監本毛本無也字

阮氏云係邢疏語誤為郭注齊民要術十卷引爾雅赤莧郭璞曰今人莧赤莖者今本之字亦誤據

正

蔕蘼薺冬

今門冬也 一名滿冬本草云

御覽九百八十九卷藥部引爾雅蔕蘼薺冬郭璞注曰今門冬也一名滿冬樹枏案釋文謂郭以門字為俗故以俗證雅云今門冬也釋文引山海經郭注亦云本草一名滿冬蓋一名滿冬為本草之文今門冬也為時人之語今本刪今也二字非是

說文繫傳艸部引爾雅注作蔓冬一名滿冬係據
經文妄改

篇苻止

未詳

溱貫衆

葉貞銳莖毛黑布地生冬不死一名貫渠廣雅云貫節

御覽九百九十卷藥部引爾雅郭璞注作葉貞銳

莖毛黑布地生冬不死也今本脫生字據補蘇頌

圖經引作廣雅謂之貫節

蒼牛藻

似藻葉大江東評為馬藻

蓬藹馬尾

廣雅曰馬尾蒿陸本草云別名藹今關西亦評為藹
江東評為當陸

明注疏本江東下脫呼字御覽九百九十二卷藥
部引爾雅郭璞注曰江東謂之當陸關西為藹

萍萍

今水中浮萍也江東謂之藻音瓢

明注疏本作浮萍各本皆作浮萍釋文云萍本或
作萍不言經注異同蓋陸本作萍也詩采蘋正義

引釋草萍萍郭璞曰今水上浮萍也江東謂之藻
音瓢禮記月令正義引釋草萍萍郭景純云水中
浮萍也江東謂之藻元應善見律十七卷音義引
爾雅萍萍注云水中浮萍也今本脫今也二字據
補明注疏本刪音瓢二字御覽一千卷百卉部引
亦有音瓢二字釋文云藻郭音瓢

其大者蘋

詩曰于以采蘋

蒹菼葵

頗似葵而葉小狀如藜有毛灼啖之滑

今本作頗似葵而小葉御覽九百九十四卷百卉部引作頗似葵而葉小蘇頌圖經冬葵下亦云爾雅希菟葵似葵而葉小今本誤倒據正

芹楚葵

今水中芹菜

藟牛藟

今江東評草爲牛藟者高尺餘許方莖葉長而銳有穗穗閒有華華紫縹色可淋以爲飲

賣牛藟

毛詩傳曰水蔦也如續斷寸寸有節拔之可復

詩汾沮洳傳作水鳥正義引郭注作水蔦釋文云蔦音昔蓋郭所據毛本作蔦也 仿宋本雪窓本明注疏本作蕢斷俱緣經文而誤單疏本作續斷詩正義亦引作續斷說文繫傳艸部引爾雅注作似續斷寸寸有節拔之復生

萃蘓蕭

今蘓蒿也初生亦可食

文選高唐賦注引爾雅萃蘓蕭郭璞曰今蘓蒿也聚生亦可食

連異翹

一名連若又名連草本草云

澤烏菴

卽上瓊也

傅橫目

一名結縷俗謂之鼓箏草

釋文作結縷云結音姑舊校云本今作結縷本亦

作獲樹相案上林賦布結縷郭璞注云結縷蔓生

如縷相結據此則郭本當作結縷此作結者蓋傳

鈔之誤也元應四分律二十五卷音義引孫炎曰

三輔曰結縷今關西饒之俗名句屨草也句屨卽

結縷聲之轉猶今言倨縷也結結形譌集韻十一
模結結縷草名蓋據誤本釋文

釐蔓華

一名蒙華

陵蕨攔

陵今之水中芟也

釋文云陵字又作菱舊校云本今作菱今各本經
注皆作菱慧琳廣弘明集廿九卷音義引郭注爾
雅云菱今之水中芟也今據補之也二字元應十
誦律廿六卷音義立世阿毗曇論一卷音義俱引

爾雅菱蕨麋注云即水中菱也

大菊蘧麥

蘧麥一名麥句薑即瞿麥

釋文引郭云蘧麥一名麥句薑即瞿麥今據補陳

藏器引作麥句薑蘧麥即今之瞿麥

薜牡贅

未詳

蒴山莓

今之木莓也實似蔗莓而大亦可食

齧苦堇

今堇葵也葉似柳子如米沟食之滑

薄石衣

水落也一名石髮江東食之或曰薄葉似鱸而大生水底亦可食

釋文云落徒來反舊校云本今作苔今各本皆作苔 御覽一千卷百卉部引爾雅此注下有鱸胡界切四字當亦郭音

鞠治牆

今之秋華菊也

廣韻一屋鞠下引爾雅鞠治牆郭璞云今之秋華

菊也今據補也字

蓆蒙女蘿女蘿菟絲

別四名詩云爰采唐矣

苗蓊

未詳

莖缺蓋

覆蓋也實似莓而小亦可食

釋文云蓋步昆反注同今各本注皆作益非郭氏

之舊

芟董草

卽烏頭苗也江東人評爲堇音斬

類證本草八卷陳藏器引爾雅芟堇草郭注云烏頭苗也十一卷唐本注引同今本蓋脫苗字據補詩緜正義引釋草芟堇草郭璞曰江東人呼爲堇御覽九百九十卷藥部引郭璞注作江東今呼爲堇樹相案今亦人字之譌據補音斬二字明注疏本刪邢疏亦有音斬二字

蕪百足

未詳

葑莪葵

今蜀葵也似葵華如木槿華
戎蜀蓋其所自出也因

以名之

蘇頌圖經冬葵子下引爾雅葍戎葵郭璞云似葵

華如槿華戎蜀蓋其所自出也因以名之類證本

草廿七卷引同今據補文選西京賦注引爾雅葍

戎葵郭璞曰今蜀葵葍音肩戎音戎

葵狗毒

樊光云俗語苦如葵
一名狗毒

御覽九百九十五卷百卉部引爾雅葵狗毒樊光

云俗語苦如葵一名狗毒今本刪下四字據補

垂比葉

未詳

覆盜庚

旋覆也似菊

雪牕本覆作覆御覽九百九十一卷藥部引作旋
復似菊案釋文引郭云旋覆也據此則陸所據本
作覆今補也字

苧麻母

苧麻盛子者

廣韻七志苧下引盛作成釋文云盛音成

灼九葉

今江東有草五葉共叢生一莖俗因名為五葉卽此

類也

藐苳草

可以染紫一名苳苳廣雅云

說文繫傳艸部引爾雅藐紫草注草可染紫

倚蔞活脫

卽離南也

今本作離南案上文離南脫芟釋文云離方支反

舊校云本今作離是陸所據郭本作離不作離據

正

蕨黃蔕

蕨草葉似酸漿華小而白中心黃江東以作菹食

諸本皆作菹釋文作菹說文菹从艸沮聲

藹車芻輿

藹車香草見離騷

權黃華

今謂牛芸草為黃華華黃葉似菝葜

明注疏本菝誤菝釋文云菝音牧亦作目

蒨春草

一名苾草本草云

終葵繁露

承露也大莖小葉華紫黃色

御覽九百九十八卷百卉部引爾雅終葵繁露郭璞曰承露也大莖小葉花紫黃色終音終樹相案陸所據郭本作終其作終者或本也據釋文則終音終三字非郭注原文

蔎莖蔎

五味也蔓生子叢在莖頭

御覽九百九十卷藥部引爾雅蔎莖蔎五味也蔓

生子叢在莖頭也未遲除三音樹相案末五字當亦郭注

茶委葉

詩云以秣茶蓼

釋文云秣本或作蓼又作秣同樹相案詩良耜釋文云蓼說文或作秣引此以秣茶蓼與郭注合陸所據郭本經文作茶則此注亦當作茶各本作茶者依或本經文改之也

皇守田

似燕麥子如彫胡米可食生廢田中一名守氣

鈎藤菇

瓠瓢也一名王瓜實如灼瓜正赤味苦

諸本皆誤作鈎瓢釋文云瓠音鈎五侯反瓢力侯
反字林云瓠瓢王瓜也蓋注本作瓠今本皆依經
以改注文

望藥居

可以為索長丈餘

困祓祿

未詳

樓烏階

卽烏把也子連相著狀如把齒可以染阜

御覽九百九十五卷百卉部引爾雅郭璞注作子
相連著案釋文出相著是陸所據本作子連相著
也

杜土菌

杜衡也似葵而香

釋文云衡字或作蘅案御覽九百八十三卷香部
引作蘅蓋用或本

盱虺牀

蛇牀也一名馬牀廣雅云

蔴蕨

未聞

赤袍薊

卽上袍薊

菟奚穎凍

款凍也紫赤華生水中

凍音東

明注疏本凍改冬釋文引郭云款凍也生水中則

郭本作凍不作冬御覽九百九十二卷藥部引爾

雅菟奚穎凍郭璞注曰款冬生水中華紫赤凍音

東注文顛倒與今本異今據補凍音東三字

中馗藟

地藟也似蓋今江東名為土菌亦曰馗廚可啖之草

音審

類證本草十一卷陳藏器引爾雅中馗菌注云地

藟子也元應僧祇經十四卷音義引爾雅中馗菌

郭璞曰地藟也似蓋今江東呼為土菌藟音審慧

琳曼殊室利菩薩一字呪王經音義引爾雅郭璞

注亦作今江東呼為土菌今據補音

小者藟

大小異名

葍小葉

未聞

茗陵茗

一名陵時

又名陵霄

本草云

類證本草十三卷唐本注引爾雅茗陵茗郭云一

名陵時又名陵霄蘇頌圖經謂今爾雅注無又名

陵霄句蓋脫之久矣今據補

黃華薰白華茭

茗華色異名亦不同音沛

御覽一千卷百卉部引爾雅黃華薰白華茭孫炎

曰茗華色異名亦不同芟音沛樹杓案御覽所引
卽郭注原文今本刪孫炎曰三字而以爲郭與孫
同不知此乃郭引孫炎之說也齊民要術十卷引
爾雅黃華藟白華芟孫炎云茗華色異名者蓋亦
約用郭注之文明注疏本刪音沛二字

蘼從水生

生於水中

薇垂水

生於水邊

薜山麻

似人家麻生山中

莽數節

竹類也節間促

桃枝四寸有節

今桃枝節間相去多四寸

鄰堅中

竹類也其中堅實可以為席

元應般若燈論十卷音義引爾雅鄰堅中郭璞曰

鄰竹名其中堅可以為席今本刪節邢疏云其中

堅實者名鄰據此則實上亦脫堅字今為補訂

簡祭中

言其中空竹類

仲無笮

亦竹類未詳

御覽九百六十三卷竹部引爾雅曰仲無笮亦竹

類未詳音航案音航二字當亦郭注

箛箛萌

萌筍屬也周禮曰箛菹鴈醢

仿宋本雪牕本單疏本明注疏本作菹非釋文云
菹側於反毛本鴈改雁慧琳廣弘明集卅卷音義

引郭注爾雅云筥箭筍也

篠箭

別二名

枹霍首素華軌駸

皆未詳

芑夫王

芑草生海邊似莞藺今南方越人采以為席

明注疏本脫方字

葦月爾

即紫葦也似蕨可食

葳馬藍

今大葉冬藍也 音針

文選西京賦注引爾雅葳馬藍郭璞曰今大葉冬藍音針今據補音針二字

姚莖蔞薺

未詳

芑地黃

一名地髓江東人評芑音怙

單疏本江東下有人字諸本俱脫明注疏本刪音怙二字雪牕本怙作戶樹枏案釋文於經芑音戶

於注怙音戶是陸所據郭本有音怙二字也類證

本草六卷掌禹錫亦引爾雅芊地黃注云一名地

髓江東呼芊音怙

蒙王女

蒙即蓆也女蘿別名

各本皆作唐釋文作蓆音唐舊校云本今作唐

拔龍葛

似葛蔓生有節江東評為龍尾亦謂之虎葛細葉赤

莖

蕨牡茅

白茅屬

卷耳苓耳

廣雅云泉耳也亦云胡泉江東評爲常泉或曰苓耳
形似鼠耳叢生如盤

毛本作或云詩卷耳正義引似作如

蕨藟

廣雅云紫葍非也初生無葉可食江西謂之藟

唐石經單疏本仿宋本雪牕本元本俱作藟釋文
云藟字亦作驚明注疏本與釋文合

蕎叩鉅

今藥草大戟也本草云

繫由胡

未詳

苾杜榮

今苾草似茅皮可以爲繩索履屨也

廣韻十陽苾下引爾雅郭璞云今苾草似茅可爲繩索履屨者說文繫傳艸部引爾雅注云爲繩索
苾也類證本草十一卷陳藏器引爾雅注云苾似
茅可以爲索明注疏本苾改芒釋文云苾字亦作

苾

稷童梁

稷莠類也

後漢書王符傳注詩下泉正義說文繫傳艸部慧
琳廣弘明集釋佛明五卷音義俱引作莠類也無
稷字

蔗蔗

蔗卽莓也今江東人評爲蔗莓子似覆盆而大赤酢
甜可啖

今本皆作蔗卽莓也樹柑案慧琳集異門足論九
卷音義引郭注爾雅云蔗卽莓也說文繫傳艸部

引亦作蔗卽莓今據正 邢疏引郭云今江東人呼爲蔗莓各本俱脫人字據補 明注疏本益作益此與上文莖缺益注覆益字皆一律邢疏引亦作益 說文繫傳引爾雅蔗蔗注曰蔗卽莓子似覆益華紫俗名蠶莓可食或以此爲爾雅舊注然下引箭山莓注則固郭注也竊謂自華紫以上爲郭注以下爲徐鍇自注

蒟藳

卽蓮實也

明注疏本刪也字

購蒨蕒

蒨蕒蕒蒿也

似艾

生下田初出可啖江東用羹魚也

詩漢廣釋文引郭云似艾今本脫此二字據補

詩漢廣正義引作初生可啖羹魚下有也字據補

蒨勃蒨

一名石芸本草云

音列

御覽九百九十三卷藥部引爾雅蒨勃蒨郭璞注

曰一名石芸音列今本脫音據補

蒨繞棘蕒

今遠志也似麻黃赤華葉銳而黃其上謂之小草廣

雅云

單疏本雪牖本志作慧釋文云這志字又作蓮慧
非御覽九百八十九卷藥部引爾雅注全與今同
末有棘菟音棘冤五字

策刺

草刺針也關西謂之刺北燕朝鮮之間曰策見方言
慧琳彌勒菩薩所問經論二卷音義引郭注爾雅
刺策針也三劫三千佛名上卷音義引郭注爾雅
云荆棘針希麟觀自在大悲成就蓮華部念誦法
一卷音義引爾雅郭璞云艸刺針也策音初革反

說文繫傳艸部引爾雅注卽草木之荊也所引與
今本均有異同 今本北燕作燕北方言云北燕
朝鮮之間謂之荑據正

蕭萩

卽蒿

御覽九百九十七卷百卉部引爾雅曰蕭萩卽蒿
萩音狄樹相案御覽蓋據誤本作萩釋文云萩音
秋是陸所據本作秋也萩音秋三字當亦郭注

蔞海藻

藥草也一名海蘿如亂髮生海中本草云

御覽九百九十二卷藥部引爾雅注全與今同末
有藹音覃三字當亦郭注

萇楚鈹芒

今羊桃也或曰鬼桃葉似桃華白子如小麥亦似桃
御覽九百九十五卷百卉部引無亦似桃三字詩
隰有萇楚正義說文繫傳艸部引與今本同

藹大苦

今甘草也蔓藹生葉似荷青黃莖赤有節節有枝相
當或云藹似地黃

釋文云藹餘見反舊校云本今作延案各本皆作

延說文繫傳艸部引爾雅蕭大苦注云卽甘艸也
蔓延生葉似荷青黃莖赤有節枝枝相值葉葉相
當與今本微異樹相案詩簡兮正義引孫炎注與
郭正同郭蓋用孫炎也

茅苜馬蔦馬蔦車蒯

今車蒯草大葉長穗好生道邊江東評爲蝦蟆衣周
書所載同名耳非此茅苜

御覽九百九十八卷百卉部引爾雅茅苜馬蔦車
前也郭璞曰今車前草大葉長穗好生道邊江東
呼蝦蟆衣周書所載同名耳非此茅苜樹相案自

周書以下十一字今本脫之據補詩芣苢釋文引山海經及周書王會皆云芣苢木也實似李食之宜子出於西戎衛氏傳及許慎並同此王肅亦同郭說此者蓋亦同王基之意駁舊說也釋文云蠓字又作墓詩釋文引作墓詩正義引作蠓

綸似綸組似組東海有之

綸今有秩嗇夫所帶純青絲綸組綬也海中草生彩理有象之者因以名云

今本作糾青御覽一千卷百卉部引爾雅注作純青純字是據改辛卯八月朝鮮孝廉金仕龍來資

陽席閒談彼處土產所言海藎形狀卽是此物朝鮮人以此作湯食質最柔細生於海底長數丈以鐵鉤絞取之

帛似帛布似布華山有之

草葉有象布帛者因以名云生華山中

芄東蠡

未詳

文選西京賦注引爾雅曰芄東蠡郭璞曰未詳芄

胡郎切

絲馬羊齒

草細葉葉羅生而毛有似羊齒今江東人評為鴈齒
纒者以取繭緒

各本脫人字今從單疏本 釋文云纒本亦作纒
又作繆非也

落麋舌

今麋舌草春生葉有似於舌

釋文云麋俱綸反本或作麋音眉案今各本皆作
麋

拳柜胸

未詳

蔡之醜秋爲蒿

醜類也春時各有種名至秋老成皆通評爲蒿

芙薊其實芩

芙與薊莖頭皆有蓊臺名芩芩卽其實也音俘

各本脫也字單疏本明注疏本有也字無音俘二字釋文云芩香于芳于二反下同注音俘同

藁芩茶

卽芳

森蘆芳

皆芳茶之別名方俗異語所未聞

葦醜芳

其類皆有芳莠

葭葦

卽今蘆也

今本經作葭華阮氏云華當爲葦字之誤說文葦
大葭也葭葦之未秀者可證文選東京賦注引爾
雅曰葭葦也莢亂也是唐初本不誤郭注葭葦云
卽今蘆也注葭蘆云葦也正彼此互證樹柎案慧
琳大般若波羅蜜多經五百七十二卷音義引爾
雅葭葦也郭璞曰卽今蘆也又曰葭蘆卽葦也此

二草種類相似大曰蘆小曰葦據此則慧琳所見
本作葦且互引下文以證之阮說是也

蒹葭

似適而細高數尺江東評爲蒹適音蒹

釋文云適徒的反舊校云本今作荏音桓樹柎案
宋本作似適而細與釋文同諸本皆作荏說文繫
傳艸部引爾雅蒹葭注云似藿而細高數尺史記
司馬相如列傳單行本索隱引郭璞曰蒹蔽也似
藿而細小高數尺江東人呼爲蒹蒿索隱所引蓋
郭注子虛賦其作藿者皆適聲之譌也 仿宋本

作江東呼為蒹適音廉單疏本作江東呼為蒹適
雪窓本作江東呼為蒹音廉明注疏本作江東呼
為蒹刪適音廉三字索隱蒿字亦適形之譌

葭蘆

即
葦也

慧琳大威燈光仙人問疑經音義引郭注爾雅云
蘆即葦也大般若波羅蜜多經五百七十二卷音
義引爾雅郭璞曰葭蘆即葦也今本脫即字據補
大般若波羅蜜多經一百卷音義引爾雅葭蘆也
郭景純曰蘆即葦之瘦惡者所引與今本不同

莢亂

似葦而小實中江東評為烏蔞 取其苗為帚 蔞音丘

單疏本雪膠本蔞誤區明注疏本烏誤烏刪音丘

二字釋文云蔞郭音丘五經文字云亂江東謂之

蔞蔞音丘見爾雅齊民要術十卷御覽一千卷百

卉部說文繫傳艸部俱引爾雅莢亂郭璞注曰似

葦而小實中江東呼為烏蔞蔞音丘與仿宋本合

禮記玉藻釋文引郭璞云莢烏蔞也取其苗為帚

案此五字當亦郭注據補史記司馬相如列傳索

隱引郭璞曰似葦而細小江東人呼為烏燕燕為

字誤蓋郭氏子虛賦注

其萌蘗

今江東人評蘆筍為蘗然則荏葦之類其初生者皆名蘗音繾繾

各本皆脫人字今從單疏本玉篇艸部蘗下云江東人呼蘆筍為蘗蘗亦有人字明注疏本筍改笋雪牕本音繾繾作音丘阮緣釋文誤也元本刪此三字

蒲葦莖華榮

釋言云華皇也今俗評草木華初生者為葦音豬豬

蒨猶敷蒨亦 草木 華之貌所未詳

各本作音猶豬單疏本作豬釋獸釋文作豬舊校云本今作猶此釋文作莛音猶者後人據今本改之也說文繫傳艸部隋下引爾雅注莛音猶蓋用今本又莛下引爾雅蒨莛莛華榮注云華莛也今俗謂草木華初生者爲莛蒨猶敷蒨亦草木華之兒所未詳樹柎案今本作所未聞既謂蒨爲敷蒨矣不得更言未聞繫傳作未詳是也文選吳都賦注引爾雅曰蒨榮也郭璞曰蒨猶敷蒨亦草之貌也今本脫草木二字據補後漢書馬融傳注引郭

璞注爾雅云草木花初出為葍

卷施草拔心不死

宿莽也離騷云

葍菱

今江東評藕紹緒如指空中可啖者為菱菱即此類

各本皆作為菱明注疏本作為菱阮氏云作為菱

是也說文葍菱也菱草根也菱即此類者謂菱即

菱之類也說文繫傳草部引爾雅注正作江東呼

藕紹緒如指空中可啖者為菱菱但以菱菱連文

非是類葍葍藕紹也蓋本郭注明注疏本紹誤經

莖根

別二名俗呼韭根爲莖

攬橐含

未詳

華芎也

今江東評華爲芎音敷

明注疏本刪音敷二字

華芎榮也

轉相解

木謂之華草謂之榮不榮而實者謂之秀榮而不實者

九十の

謂之英

爾雅郭注佚存補訂卷十三終

爾雅郭注佚存補訂卷十四

新城王樹枏

釋木第十四

栳山榎

今之山楸也梓屬葉小爲榎

慧琳釋法琳本傳四卷音義引郭注爾雅云栳山楸也梓屬葉小爲榎樹枏案榎栳同字慧琳蓋用舍人本改郭注也郭注小葉曰榎云楸葉細者爲榎則慧琳所引此文爲郭氏原注無疑據補

栳山榎

栲似檇色小白生山中因名云亦類漆樹

俗語曰樛

栲栳漆相似如一

釋文云漆字又作漆說文漆木汁漆字是也各本

皆從俗作漆 詩山有樛正義引釋木栲山栲郭

璞曰栲似檇色小而白生山中因名云亦類漆樹

俗語曰樛栲栳漆相似如一邵氏正義據以補入

注中而郝氏非之樹相案釋文云栲郭姑老反案

方志云樛栲栳漆相似如一樛音勅倫反案語承

上郭音蓋亦郭注而方志與俗語不同蘇頌圖經

亦引爾雅栲山栲郭璞注曰栲似檇色小白生山

中因名亦類漆也俗語云樛樛栲漆相似如一今據補

柏栲

禮記曰鬯曰以栲

明注疏本脫曰字

髡栲

未詳

椴栲

白椴也樹似白楊

梅栲

似杏實酢 亦大木葉如桑也

元應佛母般泥洹經下卷音義引爾雅梅柟郭璞
曰似杏實而酸葉似桑也玉篇云葉似桑子似杏
而酸正本此注類證本草十三卷木部陳藏器引
郭注爾雅云柟大木葉如桑也與南山經注合慧
琳佛母般泥洹經音義柟下亦引郭注爾雅亦大
木也樹柟案樊光陸璣皆以梅柟爲大木非酸果
之梅郭注又以爲大木又以爲實酢蓋兩存其說
文選南都賦注引郭璞爾雅注曰梅似杏實酸西
京賦注引爾雅曰梅柟郭璞曰柟木似水楊所引

與今本異或爲音義之文以廣異義者歟

被粘

粘似松生江南可以爲船及棺材作柱 又耐埤 埋之

不腐

說文繫傳木部引爾雅被粘注曰生江南可作船

又耐埤與今本互有詳畧今據補訂御覽九百五十

七卷木部引爾雅曰被粘粘或作杉似松下俱與

注同粘或作杉四字當亦郭注原文而今本刪之

檣榘

柚屬也子大如孟皮厚二三寸中似枳 榘 食之少味

齊民要術十卷引爾雅郭璞注作中似枳椇今本
 脫椇字據補御覽九百七十三卷果部引爾雅椇
 椇也郭璞注曰柚屬子大如孟皮厚二三分中似
 枳食之味少

杻櫪

似棣細葉葉新生可飮牛材中車輞關西評杻子一
 名土櫃

各本飮作飼輞作輞釋文云飮囚志反經典並止
 作食字借作嗣音本又作飯舊校云本今作飼案
 說文有飮無飼釋文是也釋文云輞音罔下同與

仿宋本合文選南都賦注引郭璞曰柎似桑而細葉
桑字誤山海經注正作棣

楸木瓜

實如小瓜酢可食 楸音茂

詩木瓜正義引郭璞云實如小瓜酸可食御覽九
百七十三卷果部引爾雅楸木瓜郭氏注曰實如
小瓜酢可食楸音茂也今本脫音據補

椋卽棣

椋有髓熊折而乳之 今椋材中車輞

御覽九百六十一卷木部引爾雅曰椋卽來椋有

爾雅郭注十四 釋木

四 文莫室

髓熊折而乳之又曰今椽材中車輞樹枅案此所引當俱是郭注觀又曰二字可知

櫛櫛

樹似槩楸而庠小子如細栗可食今江東亦評為櫛

栗

釋文云槩胡木反舊校云本今作槩楸或作櫛同詩皇矣正義引郭璞注無可食及亦字廣韻十七薛引爾雅櫛櫛今江東呼為櫛栗楚呼為茅栗

櫛落

櫛音獲
可以為栝器素也

詩大東正義引郭璞曰櫨音穫可爲杯器素也今
本刪音及也字據補阮氏云素當爲索字之誤陸
元恪云其皮堅韌剝之長數尺可爲絙索其材可
爲杯器邢氏作疏時已誤作素故云素謂櫨也樹
相案漢書司馬相如傳云留落胥邪郭注云落櫨
也中作器素與此注同非誤字也釋文云櫨必回
反舊校云本今作杯案各本皆作杯櫨爲正字

柚條

似橙實酢生江南

類證本草廿三卷唐本注引郭璞曰柚似橙而大

於橘當爲此經注文爲後人刪脫者郭注中山經云櫛似橘而大也正與此相證明廣韻四十九宥袖下引爾雅注袖似橙而酸出江南藝文類聚八十七卷御覽九百七十三卷果部俱引爾雅曰袖條似橙實酢出江南惟希麟琳法師別卷中音義引郭注爾雅云袖似橙而酢生江南也生字與今本同

時英梅

雀梅

齊民要術四卷引爾雅時英梅郭璞云英梅未聞

與今本異說文桼梅也桼與英同物郝氏云桼梅
蓋非果類觀南都賦桼栢檍檀連言可知今注雀
梅非郭語也

榘柜柳

未詳或曰柳當爲柳柜柳似柳皮可以煮作飲

今本作柜柳似柳盧氏文弼云當爲柜柳似柳蓋
上旣言柳當爲柳則下自當云柜柳矣慧琳廣弘
明集五卷音義引爾雅榘謂柜可爲飲也蓋本郭
注監本以字脫

榘杼

柞樹也

詩鴉羽正義引釋木郭璞曰柞樹也今本脫也字

據補

蔞莖著

釋草已有此名疑誤重出

蘊莖

詩日山有蘊今之刺榆也

御覽九百五十六卷木部引爾雅蘊莖郭璞曰詩

日山有蘊今之刺榆今本脫詩曰五字釋文云蘊

烏侯反詩云山有蘊是也本或作蘊同陸所引詩

蓋亦本郭注其作蔭者依或本經文以改注也詩
山有樞正義引郭璞曰今之刺榆也今本也字亦
脫據補

杜甘棠

今之杜梨

狄臧棹貢棊

皆未詳

枕槩梅

枕樹狀似梅子如指頭赤色又似小柰可食也

慧琳廣弘明集廿四卷音義引爾雅枕槩梅郭注

云似梅子如指頭赤色又似小榛可食也今本脫
又也二字據補御覽九百七十四卷果部引爾雅
郭璞注曰枕樹似梅子如指頭可食赤色似小榛
也

科者聊

未詳

魄榼榼

魄大木細葉似檀今江東多有之齊人諺曰上山斫

檀榼榼先殫

明注疏本江東作河東誤

詩將仲子正義引陸

璣疏作上山斫檀挈榼先殫榘挈聲轉字

棖木桂

今南人評桂厚皮者爲木桂桂樹葉似枇杷而大白
華華而不著子叢生巖嶺枝葉冬夏常青閒無雜木
雪窓本南人作江東御覽及圖經俱引作南人說
文繫傳木部又引作南方樹相案郭璞桂讚曰桂
生南裔拔萃峯巔則作南人者是江東字誤也史
記司馬相如列傳正義引郭云桂似枇杷葉而大
白花花而不著子叢生巖嶺閒無雜木冬夏常青
與此注正同而文有倒置

榆無疵

榆榿屬似豫章

釋文云章本或作樟御覽九百六十一卷木部引爾雅榆无疵郭璞曰榿屬如豫章也

楛櫜

腫節可以為杖

說文繫傳木部引爾雅楛櫜注曰木腫節可為杖

檉河柳

今河旁赤莖小楊也

文選七發注引爾雅檉河柳郭璞曰今河旁赤莖

小楊也今本脫也字據補御覽九百五十六卷木部引爾雅檉河柳郭璞曰河旁赤莖小柳也史記司馬相如列傳索隱引郭璞云朱楊赤莖柳生水邊爾雅云檉河柳是也與此注正同或據此謂小楊當作小柳不知郭此注蓋本某氏

旄澤柳

生澤中者

楊蒲柳

可以爲箭左傳所謂董澤之蒲

御覽九百五十六卷木部引爾雅楊蒲柳詩云楊

柳依依傳曰董澤之蒲也樹枏案此注當亦係郭
璞原文與今本互有刪脫藝文類聚木部楊柳條
引爾雅楊蒲柳又接引詩曰楊柳依依左傳曰董
澤之蒲二語不以爲注文

權黃英輔小木

權輔皆未詳

杜赤棠白者棠

棠色異異其名

御覽九百五十八卷木部引爾雅曰杜赤棠棠色
赤白各異其名

諸慮山梟

今江東評梟為藤似葛而麇大

慧琳釋迦氏略譜一卷音義引郭注爾雅云葛藟也釋文云麇七胡反舊校云本今作麇

攝虎梟

今虎豆也纏蔓林樹而生莢有毛刺今江東評為櫟

攝音涉

齊民要術十卷引爾雅攝虎梟郭璞注曰今虎豆也御覽九百九十五卷百卉部亦引作今虎豆也今本脫也字據增明注疏本刪音涉二字釋文

云楫郭音涉阮氏云單疏本引郭注今江東呼爲
櫂止齊民要術載郭注亦呼爲櫂止楫音涉三字
別爲小字音切今本刪音涉二字而誤存楫字非
也樹枅案謝靈運山居賦云獵涉襲奠自注云獵
涉字出爾雅是獵涉卽櫂楫音同假字櫂楫連文
邢氏賈氏皆誤刪而校勘記反從之殊爲失考御
覽引作今江東呼之爲櫂楫楫音涉也多一楫字
據此尤足爲櫂楫連文之證

杞枸櫂

今枸杞也

御覽九百五十八卷木部引爾雅曰杞枸櫞音計
今枸杞也音計二字當亦郭注

杞魚毒

杞大木子似栗生南方皮厚汁赤中藏卵果

急就篇顏師古注引爾雅杞魚毒郭景純注作堪
藏卵果郊字閩本誤作卵

檉大椒

今椒樹叢生實大者名爲檉

楔鼠梓

楸屬也今江東有虎梓

爾雅郭注十四 釋木

十一 文莫室

二五十一の
楓攝攝

楓樹似白楊葉負而歧有脂而香今之楓香是

御覽九百五十七卷木部引爾雅曰楓攝攝攝之
葉反天風則搖故曰攝攝樹似白楊葉圓而歧有
脂而香今之楓香是樹相案之葉反十一字當爲
郭注原文而今本刪之歧字惟雪臆本不誤與釋
文同明注疏眞作圓

寓木宛童

寄生樹也 一名蔦

御覽九百六十卷木部引爾雅寓木宛童郭璞曰

寄生樹也一名蔦今據補也字

無姑其實夷

無姑姑榆也生山中葉負而厚剝取皮合漬之其味

辛香所謂無夷也

段氏玉裁云顏師古注急就篇曰生於山中其莢
圓厚剝取樹皮合漬而乾之成其辛味也係用郭
語葉作莢爲長明注疏本負改圓無夷改蕪莢蘇
頌圖經引作所謂蕪莢也御覽九百五十六卷木
部引同今據增也字

櫟其實棧

有棣彙自裹

棣羅

今楊棣也實似梨而小酢可食

仿宋本雪窓本作梨單疏本明注疏本作梨詩晨

風正義引作梨梨為正字

楔荆桃

今櫻桃也楔音夏

本草圖經引郭璞楔荆桃注云今之櫻桃初學記

二十八卷果木部引爾雅楔荆桃郭璞注今櫻桃

也楔音夏今本脫也字及音據補文選閒居賦注

引爾雅曰荆桃今櫻桃也蓋用郭注

旄冬桃

子冬熟

欖桃山桃

實如桃而小不解核

御覽九百六十七卷果部引爾雅曰欖桃山桃欖
音斯實如桃而小不解核樹相案欖音斯三字蓋
亦郭注而今本脫之釋文云欖郭音斯與御覽合
文選閒居注引如作似

休無實李

一名趙李

瘞接慮李

今之麥李

廣韻七歌榿下引爾雅云榿接慮李今麥李也蓋

本郭注此下亦當有也字

駁赤李

子赤

棗壺棗

今江東評棗大而銳上者為壺棗壺猶瓠也

初學記二十八卷果木部引爾雅棗壺棗郭璞曰

今江東呼大而銳上者爲壺棗壺猶瓠也今本脫棗字據補

邊要棗

子細要今謂之鹿盧棗

釋文云要一遙反注同字或作櫻明注疏本與釋文合仿宋本雪牕本作翳非御覽九百六十五卷果部引爾雅曰邊要棗細腰棗也今謂之鹿盧棗
檇白棗

卽今棗子白熟

明注疏本作子白乃熟御覽及本草圖經引同仿

宋本雪窓本無乃字邢疏云棗子白熟者名棗是
邢所據本無乃字

槭酸棗

樹小實酢孟子曰養其槭棗

明注疏本槭棗改槭棘俗本孟子同邢引孟子及
趙岐注作槭棗齊民要術四卷引爾雅槭酸棗郭
璞注曰槭實酢孟子嘗曰養其槭棗者

楊徹齊棗

未詳

邊羊棗

實小而真紫黑色今俗評之爲羊矢棗孟子曰曾皙嗜羊棗

明注疏本真改圓齊民要術引作實小而且圓紫黑色俗呼羊矢棗孟子曰曾子嗜羊棗

洗大棗

今河東猗氏縣出大棗子如雞卵

煮填棗

未詳

蹶泄苦棗

子味苦者

本草圖經引郭璞注作子味苦者今據補者字御覽引爾雅曰躡泄苦棗子味苦也躡音劇也樹柎案釋文云躡本亦作躡居衛反御覽所據郭本蓋作躡故並著其音也初學記引作躡洩苦棗子味苦也躡居衛反音與釋文同

暫無實棗

不著子者

還味棗

還味短味

也棗音荏還音旋

御覽引爾雅還味棗郭璞注曰還味短味也棗

音在還音旋今本脫也字及音據補說文繫傳木部引爾雅注還味短苦也苦字誤釋文亦引郭云還味短味

櫨梧

今梧桐 皮青者曰梧桐

齊民要術五卷引爾雅櫨梧注云今梧桐皮青者曰梧桐今本脫末句據補

樸枹者

樸屬叢生者爲枹詩所謂棫樸枹櫟

謂櫨采薪采薪卽薪

指解今樵薪

釋文云樵字又作蕪

棧棧其

棧實似柰赤可食

劉劉杙

劉子生山中實如梨酢喆核堅出交趾

今本皆作交趾釋文作趾舊校云本今作趾御覽

九百七十三卷果部引爾雅注亦作交趾未有杙

音弋三字當亦郭注而今本脫之

棧槐大葉而黑

槐樹葉大色黑者名爲櫟

御覽九百五十四卷木部引爾雅曰櫟槐大葉而黑槐樹葉大黑色者謂之櫟

守宮槐葉晝聶宵炕

槐葉晝日聶合而夜炕布者名爲守宮槐 儒林祭酒

杜行齊說在朗陵縣南有一樹似槐晝聚合相著夜則舒布卽守宮槐也江東有樹與此相反俗因名爲合昏旣晝夜異一其理等耳

初學記廿八卷果木部引爾雅曰守宮槐葉晝聶宵炕郭璞注曰守宮槐晝日聶合而夜舒布也江

東有樹樹與此相反俗因名爲合昏旣晝夜異一其理等耳御覽九百五十四卷木部引爾雅曰守宮槐葉晝聶宵炕郭璞曰守宮槐晝日聶合而夜炕布者儒林祭酒杜行齊說在朗陵縣南有一樹似槐晝聚合相著夜則舒布卽守宮江東有樹與此相反俗因名合昏曉晝夜異其理等聶合也炕張也晝合夜開樹相案御覽所引聶合也炕張也三句與首句訓義重複或者兼取音義之文於注中歟慧琳集古今佛道論衡一卷音義引郭注爾雅云槐葉晝則聚合夜則舒布卽守宮槐也案此

乃節引杜行齊說之文據此足徵今注之刪脫矣
今謹據三書參酌補訂

槐小葉曰榎

槐當爲楸楸細葉者爲榎

大而櫟楸

老乃皮麇皺者爲楸

仿宋本單疏本作麇雪牕本作麇明注疏本作粗
釋文引郭云老乃皮麇皺者爲楸蓋陸所據本作
麇與前後文同御覽九百五十八卷木部引爾雅
曰大而皴楸老而皮粗爲楸也

小而檄榎

小而皮麇皺者為榎左傳曰使擇美榎

倚梓

即楸也

釋文引郭云即楸也慧琳廣弘明集廿四卷音義

大唐西域求法高僧傳下卷音義俱引郭注爾雅

云即楸也今本脫也字據補

榎赤棟白者棟

赤棟樹葉細而歧銳皮理鎔戾好叢生山中中為車

輞白棟葉貞而歧為大木也

釋文云輶本或作輶舊校云本今作輶樹相案輶
輶二字蓋傳寫誤倒據柎櫨注正之詩四月正義
說文繫傳木部引郭璞注俱作中爲車輶 明注
疏本負改圓詩正義說文繫傳俱引作葉負而歧
爲大木也今據補也字

終牛棘

卽馬棘也其刺麀而長

欖木叢木

詩曰集于灌木

槐木苻婁

謂木病尪偃瘦腫無枝條者

詩小弁正義引釋木云痍木符婁郭璞曰謂木病

尪偃瘦腫無枝條者今本脫者字據補釋文云腫

本或作瘡

蕢藹

樹實繁茂菴藹

枹過木魁塊

謂樹木叢生根枝節目盤結塊磊

釋文云塊本或作塊磊本或作偶

棧白椴

椴小木也 叢生有刺實如耳瑤紫赤可啖

詩絲正義引釋木椴白椴郭璞曰椴小木也叢生有刺實如耳瑤紫赤可食齊民要術十卷元應四分律十六卷音義俱引作紫赤可食說文繫傳木部引注作山中木也藜生有刺下與今本同今據補也字

梨山檇

卽今梨樹

御覽九百六十五卷果部引爾雅曰梨山檇卽今梨樹檇音離樹枏案檇音離三字蓋亦郭注而今

本脫之

桑辨有甚梔

辨半也 一半有甚半無名曰梔

蘇頌圖經引爾雅桑辨有甚梔郭璞曰辨半也一

半有甚半無名曰梔樹相案釋文引舍人曰桑樹

一半有甚半無甚為梔也郭蓋本舍人為說而今

本脫之據補

女桑棧桑

今俗評桑樹小而條長者為女桑樹 棧音題又音夷

御覽九百五十五卷木部引爾雅女桑棧桑郭璞

曰俗評小桑長條者爲女桑樹楨音題又音夷今本脫音據補

榆白粉

粉榆先生葉卻著莢皮色白

唐棣移

今白移也似白楊江東評夫移

詩何彼穠矣正義引釋木唐棣移郭璞曰今白移也似白楊江東呼夫移樹柎案今本脫今白移也句詩釋文引亦有此四字據補

常棣棣

今關西山中有棣樹子似櫻桃可啖

詩常棣正義引釋木常棣棣郭璞曰今關西有棣
 樹子如櫻桃可食是也阮氏云監本毛本山中作
 關西春秋僖二十四年正義引此注云今關西山
 中有棣樹子似櫻桃可啖當據以補正陸機疏亦
 云自關西天水隴西多有之猶釋獸魑如小熊注
 云今建平山中有此獸鼯鼠注云今江東山中有
 鼯鼠文正相類今本單言關西及山中非今依阮
 氏補訂今本似作如啖作食案郭注多言似言啖
 說文繫傳木部亦引作似

檟苦茶

樹小似梔子冬生葉可煮作羹飲今評早采者爲茶
晚取者爲茗一名舜蜀人名之苦茶

御覽八百六十七卷飲食部引爾雅曰檟苦茶樹
小似梔子冬至生葉可煮作羹飲今早採者爲茶
晚採者爲茗一名舜蜀人名爲苦茶樹柎案似字
今本作如類證本草十三卷木部唐本注引爾雅
注亦作樹小似梔子餘與今本同圖經引亦作似
據改圖經引樹小作木小晚取作晚採名之苦茶
作謂之苦茶衍義亦引作晚採

楸樸心

榭楸別名

御覽九百六十卷木部引爾雅楸樸心郭璞曰榭
樸別名說文繫傳木部引爾雅楸樸心注曰楸別
名槩皆與今本異詩野有死麕正義引某氏曰樸
楸斛楸也郭注蓋本某氏

榮桐木

卽梧桐

棧木干木

殭木也江東評木斲

釋文云殭本或作僵說文云僵偃也又作榘案仿
宋本單疏本明注疏本俱作榘鄭樵本作僵

壓桑山桑

柘屬也似桑材中作弓及車轅

書禹貢正義引釋木壓桑山桑郭璞曰柘屬也詩皇
矣正義引釋木壓桑山桑郭璞曰壓桑柘屬材中
爲弓今本脫柘屬也三字據補御覽九百五十五
卷木部引爾雅曰壓桑山桑詩曰其壓其柘材中
作弓也案詩曰其壓其柘六字當亦郭注原文而
今本刪之

木自弊神

弊踣

釋文云踣或作仆廣韻十七眞神下引爾雅木自弊曰神謂弊踣也即本郭注今本當脫謂也二字

立死留

不弊頓留側吏反

明注疏本頓下有留字阮氏云雪窓本不弊頓下連留側吏反之音俗本刪之未盡遂誤留留字而強以側吏反加之下文翳字矣釋文留側吏反今從雪窓本

蔽者翳

翳

樹蔭翳

相覆蔽者也

詩云其榴其翳

釋文云蔭於禁反此蔭字蓋傳寫之譌釋詁釋言皆作蔭不作蔭釋文云蔽必世反注同是注有蔽字詩皇矣釋文引爾雅蔽者為翳郭云相覆蔽今本蔽字譌為地又脫去翳相也字詩正義引郭璞曰翳樹蔭翳覆地者也即用今本謹為補訂慧琳大乘法界無差別論音義六波羅蜜多經三卷音義俱引郭注爾雅云翳掩也

木相磨櫛

爾雅郭注十四 釋木

三 文莫室

謂樹枝相切磨也

說文繫傳木部引爾雅木相磨曰櫛注曰謂樹皮相切磨也皮字誤今據補謂也二字

楷皺

謂木皮甲錯

稍稍擢

謂木無枝柯稍稍擢長而殺者

仿宋本明注疏本作擢文選謝元暉酬王晉安詩

注引爾雅曰稍稍擢也郭璞曰謂木無枝柯稍稍擢

長而殺也

縱松葉柏身

今大廟梁材用此木尸子所謂松柏之鼠不知堂密
之有美縱

檜柏葉松身

詩曰檜楫松舟

釋文云楫本又作楫

句如羽喬

樹枝曲卷似鳥毛羽

下句曰枓上句曰喬如木楸曰喬

楸樹性上竦

如竹筍曰苞

篠竹性叢生

如松柏曰茂

謂枝葉婆娑也

慧苑大方廣佛華嚴經音義上卷引爾雅云木如

松柏曰茂郭璞注云謂枝葉婆娑也今據補謂也

二字

如槐曰茂

言亦扶疏茂盛

明注疏本無亦字仿宋本雪牕本俱有亦字郭意

以松柏曰茂而槐之茂盛亦如松柏故加亦字蓋承上之辭

祝州木鬣柔英

皆未詳

槐棘醜喬

枝皆翹竦

桑柳醜條

阿那垂條

茱椹醜莖

茱萸子聚生成房貌今江東亦評茱椹似茱萸而小

赤色

釋文云窆所留反又所于反今各本皆作萸惟郝
 所據本作萊窆 仿宋本明注疏本亦呼萊下重
 一萊字御覽九百五十八卷引爾雅曰椒櫞醜萊
 萊萸子聚生成房貌今江東亦呼萊櫞似茱萸而
 小赤色茱萸名萊萸樹相案重萊者衍單疏本郝
 氏本皆不重萊字與御覽引同

桃李醜核

子中有核人

瓜曰華之桃曰膽之棗李曰寔之楂梨曰鑽之

皆啖食治擇之名植似梨而酢澁也見禮記

希麟琳法師別卷中音義引爾雅植梨曰鑽之郭

注云植似梨而酢澁也今據補也字

小枝上繚爲喬

謂細枝皆翹繚上句者名爲喬木

無枝爲檄

檄擢直上

釋文云擢直角反字從手仿宋本雪窓本明注疏

本俱改擢惟單疏本作擢與釋文同

木族生爲櫟

族叢

爾雅郭注佚存補訂卷十四終